

Broj: 03-04-473-1/26
Sarajevo, 04.06.2026. godine

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Primijeno: 05-06-2026			
Org. jed.	Broj	Priloga	Vrijednost
05/11	-02	332	/26

PARLAMENT FEDERACIJE BOSNE I HERCEGOVINE

Zastupnički dom

n/p gosp. Ivanu Miličeviću, tajniku

n/p gosp. Mirzi Čeliku, zastupniku ✓

Predmet: Odgovor na zastupničko pitanje

Poštovani,

Sukladno članku 75. Poslovnika o radu Vlade Federacije Bosne i Hercegovine - Prečišćeni tekst ("Službene novine Federacije BiH", br. 6/10, 37/10, 62/10, 39/20 i 67/21), a u svezi s člankom 116. Poslovnika Zastupničkog doma Parlamenta Federacije Bosne i Hercegovine („Službene novine Federacije BiH“, br. 69/07, 2/08, 26/20 i 13/24), u privitku Vam dostavljam akt Federalnog ministarstva pravde, broj: 03-45-1991/26 od 01. lipnja 2026. godine, koji se odnosi na zastupničko pitanje zastupnika Mirze Čelika.

S poštovanjem,



TAJNIK VLADE

dr. sci. Edita Kalajdžić

Privitak: kao u tekstu

Broj: 03-45-1991/26
Sarajevo, 01.06.2026. godine

VLADA FEDERACIJE BOSNE I HERCEGOVINE
Ul. Hamdije Čemerlića broj 2
71 000 SARAJEVO

PREDMET: Odgovor na poslaničko pitanje:

Veza vaš akt broj: 03-04-473-1/2026 od 19.05.2026. godine

Poštovani,

U svezi vašeg zahtjeva broj i datum gornji, kojim ste tražili odgovor na poslaničko pitanje koje je postavio Mirza Čelik, poslanik u Predstavničkom domu Parlamenta Federacije Bosne i Hercegovine, a koje se odnose na upis promjena za Udruženje Fudbalski klub „Željezničar“, informiramo vas o sljedećem:

Udruženje Fudbalski klub „Željezničar“ podnijelo je ovom ministarstvu dana 12.01.2026. godine zahtjev za upis promjena, i to: promjena Statuta udruženja, radi upisa u Registar udruženja.

Uvidom u priloženu dokumentaciju ovo ministarstvo je utvrdilo da nisu ispunjeni uslovi za upis promjena iz Zakona o udruženjima i fondacijama („Službene novine Federacije BiH“, broj: 45/02), i Pravilnika o načinu vođenja registra udruženja i fondacija i međunarodnih nevladinih organizacija („Službene novine Federacije BiH“, broj: 61/02, 8/08 i 78/10), te je svojim aktom broj: 04-05-2-1075/99 od 10.02.2026. godine obavijestilo podnosioca zahtjeva o utvrđenim formalno pravnim nedostacima, te ga pozvalo da otkloni navedene nedostatke u roku od 15 (petnaest) dana od dana prijema zahtjeva za dopunu dokumentacije, a koju je navedeno udruženje zaprimilo dana 16.02.2026. godine.

Pored formalnih nedostataka navedenim u Zahtjevu za dopunu dokumentacije broj: 04-05-2-1075/99 od 10.02.2026. godine, detaljnim uvidom u dostavljeni prijedlog Statuta Udruženja Fudbalski klub „Željezničar“ usvojenog na sjednici Skupštine udruženja održanoj 26.12.2026. godine, utvrđeno je da su pojedine odredbe Statuta u direktnoj suprotnosti sa odredbama Zakona o udruženjima i fondacijama („Službene novine Federacije BiH“, broj: 45/02).

Naime, u članu 31. stav 1. prijedloga Statuta navedeno je da „Izbor delegata u Skupštini udruženja provode strateški partner Sanin Mirvic Football Holdings, LLC koji bira 4 (četiri) delegata uključujući predsjednika i potpredsjednika Skupštine, te Senat koji bira 3 (tri) delegata“. U stavu 2. i 3. istog člana navedeno je „Za prvi mandat novog saziva Skupštine nakon usvajanja izmjena ovog Statuta, 3 (tri) delegata nove Skupštine po usvajanju izmjena ovog Statuta imenuje postojeća Skupština, dok preostala 4 (četiri) delegata imenuje strateški partner Sanin Mirvic Football Holdings, LLC, te „Strateški partner Sanin Mirvic Football Holdings, LLC zadržava puno i posebno, ekskluzivno i neopozivo pravo da imenuje jednu osobu uključujući samog

BOSNA I HERCEGOVINA
FEDERACIJA BOSNE I HERCEGOVINE
VLADA
Sarajevo

Organizaciona jedinica	Klasifikaciona oznaka	Redni broj	Broj priloga
03-04-473-1/2026			

sebe kao delegata na sva 4 (četiri) mjesta delegata, u kojem slučaju taj jedan delegat ima pravo i vrijedi sva 4 (četiri) glasa.

Ovakvo statutarno rješenje je u direktnoj suprotnosti sa imperativnim odredbama Zakona o udruženjima i fondacijama FBiH („Službene novine FBiH“, broj 45/02), koje definišu pravnu prirodu udruženja i obavezan sadržaj njegovog statuta. Naime, članom 2. Zakona, udruženje je definisano kao oblik dobrovoljnog povezivanja više fizičkih ili pravnih lica radi ostvarivanja zajedničkog ili općeg interesa, koje nema za cilj sticanje dobiti.

Nadalje, članom 14. tačka 4. Zakona izričito je propisano da statut udruženja mora sadržavati odredbe o organima udruženja, načinu njihovog izbora i opoziva, njihovim ovlaštenjima, kvorumu i pravilima glasanja, te trajanju njihovog mandata.

Uvođenjem spornih odredbe u predloženi Statut, prema kojoj treće lice – strateški partner Sanin Mirvic Football Holdings, LLC, dobija pravo da direktno bira i postavlja većinu članova Skupštine i većinu članova organa upravljanja, podnosilac zahtjeva je postupio suprotno članu 2. i članu 14. tačka 4. Zakona.

Udruženje po svojoj zakonskoj definiciji crpi upravljački legitimitet isključivo iz slobodne i dobrovoljne volje svojih članova (unutrašnjeg članstva), a njegova unutrašnja tijela i strukture se moraju birati i opozivati kroz statutom utvrđene procedure unutar samog udruženja, a ne od strane vanjskih subjekata. Mehanizam u kojem strateški partner Sanin Mirvic Football Holdings, LLC, postavlja većinu upravljačkih struktura predstavlja uvođenje korporativnog upravljanja zasnovanog na kapitalu, što u potpunosti poništava zakonsku formu i pravnu prirodu neprofitnog udruženja, te čini statut nezakonitim u smislu člana 14. Zakona o udruženjima i fondacijama FBiH („Službene novine FBiH“, broj 45/02).

Nadalje, u članu 38. prijedloga Statuta navedeno je da „Upravni odbor kluba se sastoji od predsjednika i člana/ova, čiji će broj biti određen od novog saziva Skupštine po potpisivanju ugovora sa strateškim partnerom u skladu sa potrebama upravljanja klubom, koje imenuje i razrješava Skupština, a formalno potvrđuje strateški partner Sanin Mirvic Football Holdings, LLC bez čijeg odobrenja i pismene potvrde odluka i prijedlog Skupštine ne proizvode dejstva.“

Navedeno statutarno rješenje je u suprotnosti sa članom 18. tačka 3. Zakona o udruženjima i fondacijama („Službene novine Federacije BiH“, broj: 45/02) koji propisuje da Skupština udruženja „bira i opoziva članove upravnog odbora ili, ukoliko statutom upravni odbor nije predviđen kao poseban organ, imenuje i opoziva lice ovlašteno za zastupanje i predstavljanje udruženja“.

Kako je članom 30. Statuta udruženja Fudbalski klub „Željezničar“ Skupština najviši organ upravljanja u udruženju, a da se ovakvim odredbama Statuta strateški partner Sanin Mirvic Football Holdings, LLC, postavlja kao tijelo bez čijeg odobrenja i pismene potvrde Skupština ne može donositi odluke, što nije propisano Statutom, i sve to bez vremenskog ograničenja i mogućnosti da Skupština promjeni ili preispita takav odnos sa strateškim partnerom, Sanin Mirvic Football Holdings, LLC, direktno je ograničena sloboda udruživanja, što je u suprotnosti sa članom 11. Evropske konvencije o ljudskim pravima i temeljnim slobodama.

Dana 27.02.2026. godine od strane Fudbalskog kluba „Željezničar“, aktom broj 192/2026 od 27.02.2026. godine, dostavljena je dopuna dokumentacije u čijem prilogu se nalazila sljedeća dokumentacija: obrazac broj 6 – Zahtjev za upis promjena u Registru udruženja, obrazac broj 7 – Prijava promjene djelatnosti, statuta i članova upravnih tijela, prečišćeni tekst Statuta FK Željezničar, punomoć za advokate Nihada Odošića i Amara Bajramovića.

Uvidom u priloženu dokumentaciju, utvrđeno je da ista ne sadrži zapisnik sa sjednice Skupštine udruženja, a koja je u skladu sa članom 18. tačka 1. Zakona o udruženjima i fondacijama („Službene novine Federacije BiH“, broj: 45/02) jedina nadležna da usvoji odluku i prečišćeni tekst statuta udruženja.

Nakon što su advokati Amar Bajramović i Nihad Odošević otkazali punomoć za zastupanje Udruženja Fudbalski klub „Željezničar“, ovom ministarstvu se obratio Admir Tunović, predsjednik Upravnog odbora udruženja Fudbalskog kluba „Željezničar“ putem punomoćnika Advokatskog društva „Omerović“ d.o.o. Banovići, te aktom broj 01-70/26 od 19.03.2026. godine zatražio produženje roka za dostavu tražene dokumentacije.

Federalno ministarstvo pravde je Zaključkom broj 04-05-1075/99 od 24.03.2026. godine usvojilo zahtjev Udruženja Fudbalski klub „Željezničar“ te je produžilo rok za trideset dana, odnosno od dana 23.03.2026. godine za dopunu dokumentacije i otklanjanje nedostataka u postupku upisa promjena u Registar udruženja.

Dana 22.04.2026. godine od strane Fudbalskog kluba „Željezničar“, aktom broj 292/2026 od 22.04.2026. godine, dostavljena je dopuna dokumentacije u čijem prilogu se nalazila sljedeća dokumentacija: odluka Skupštine FK Željezničar o izmjenama statuta, prečišćeni tekst statuta FK Željezničar.

Uvidom u priloženu dokumentaciju utvrđeno je da ista ne sadrži zapisnik sa sjednice Skupštine udruženja, a koja je u skladu sa članom 18. tačka 1. Zakona o udruženjima i fondacijama („Službene novine Federacije BiH“, broj: 45/02) jedina nadležna da usvoji odluku i prečišćeni tekst statuta udruženja.

Isto tako je utvrđeno da sve odluke i prečišćeni tekstovi statuta, koji su ovom ministarstvu dostavljani 12.01.2026., 27.02.2026. i 22.04.2026. godine sadrže isti broj i datum donošenja što je nemoguće jer iz istog proizilazi da je Skupština udruženja na sjednici udruženja održanoj 26.12.2025. godine donijela tri različita teksta statuta.

Imajući u vidu sve navedeno ovo ministarstvo je na osnovu člana 33. stav 2. Zakona o udruženjima i fondacijama („Službene novine Federacije BiH“, broj: 45/02) donijelo rješenje broj: **04-05-2-1075/99 od 14.05.2026. godine** kojim se odbija zahtjev Udruženja Fudbalski klub „Željezničar“ za upis promjena u Registru.

Ovim putem ističemo činjenicu da će ovo ministarstvo uprkos pritiscima i javnom iznošenju neistina ostati dosljedno u primjeni pozitivnih zakonskih normi pravnog sistema u cjelini, te želimo izbjeći bilo kakve negativne konsekvence u izvršenju zakona.

S poštovanjem.

Dostaviti:

1. Naslovu,
2. Zbirka isprava,
3. Arhiva

